



Headlines

- उप राज्यपाल मनोज सिन्हा होरें आखेआ जे विकसित भारत बनाने च जम्मू कश्मीर दी भूमिका कुसै होर खित्ते थवा घट्ट नेई होग।
- मुख् मंत्री उमर अब्दुल्ला होरें जम्मू कश्मीर दी अर्थव्यवस्था गी बढावा देने च धार्मिक ते बन्ने आहले सैलसफा दी समर्थ गी उजागर कीता।
- मुख्मंत्री होरें जम्मू कश्मीर दी विधानसभा दे बजय इजलास थवा पैहेले बजट थवा पैहेले आहली बैठकें दी अध्यक्षता कीती।
- जम्मू कश्मीर विधासभा दे स्पीकर होरें आखेआ नियम कायद बनने थवा पैहेले कोई बी नोटिस सार्वनिक नेई होना लोडचदा।
- जम्मू कश्मीर च अज्ज हैरथ मनाया जा'रदा ऐ। मुख्मंत्री होरें इस पवित्र मोके पर सब्बनें गी शुभकामना दितियां।



LG-Interview

उपराज्यपाल मनोज सिन्हा होरें आखेआ जे भारत गी विकसित राश्ट्र बनाने लेई जम्मू-कश्मीर दा योगदान बाकी हिस्सें आहला लेखा गै होग। उनें प्रदेश दी सैलसफा, राई-बाई ते होरनें दुए सैक्टरें दी समर्थ गी उजागर कीता। इक निजी टी.वी चैनल गी दित्ते गेदे इंटरव्यू च उपराज्यपाल होरें उद्योगें ते निवेश गी बढावा देने लेई कीते जा'रदे जत्तें गी उजागर कीता। उनें जम्मू-कश्मीर च स्टार्ट अप सरबन्धी तंत्र गी बढावा देने लेई कीते जा'रदे जत्तें पर लो पाई। उनें राश्ट्र दी प्रगति च खितते दी महत्वै आहली भूमिका पर परतिए जोर दित्ता। इस मौके पर बोलदे होई उपराज्यपाल होरें आखेआ।



CM-Interview

मुख्मंत्री उमर अब्दुल्ला होरें जोर देइये आखेआ ऐ जे सैलसफा जम्मू-कश्मीर दी अर्थ बवस्था च महत्वै आहली भूमिका निभांदा ऐ ते इत्थे धार्मिक ते बन्ने आहले सैलसफा दी खास करी जम्मू च बड़ी मती समर्थ मौजूद ऐ। उनें खित्ते दी समृद्ध सांस्कृतिक विरासत ते रणनीतिक स्थाबै महत्वै आहली थाहरें बारै गल्ल कीती। इक निजी टी.वी चैनल गी दित्ते गेदे इंटरव्यू च बोलदे होई मुख्मंत्री होरें जम्मू-कश्मीर दे युवाएं गी बेहतर रोजगार दे मौके उपलब्ध करोआने पर जोर पाया। इस मौके पर बोलदे होई उनें आखेआ।



CM-Pre Budget

त्रै मार्च कोला शुरू होआ रदे जम्मू-कश्मीर विधानसभा दे बजट इजलास शा पैहले मुख्मन्त्री उमर अबदुल्ला होरें अज्ज सिविल सचिवालय जम्मू च बक्ख-बक्ख मैहकमें दे कन्नै बजट शा पैहले दियें बैठकें दी अध्यक्षता कीती। मुख्मन्त्री होरें इस मौके पर बोलदे होई आखेआ जे इनें बैठकें कन्नै खेत्तरवार प्राथमिकताएं गी समझने ते अगले माली बरे आस्तै समझदारी कन्नै धन आवंटित करने च मदाद थ्होग।

<><><><><><>

Speaker-Rules

विधायी प्रक्रियाएं दी पवित्रता दे बारे च इक सख्त चेत्ता दोआंदे होई विधानसभा दे स्पीकर अब्दुल रहीम राथर होरें अज्ज नोटिसें दे प्रचार पर सदन दे नियमें दी पालमा करने दी महत्वता पर लोऽ पाई। स्पीकर हुंदे आसेआ सद्दी गेदी इक बैठक च मीडियाकर्मियें कन्नै गल्लबात करदे होई उनें जोर देइयै आखेआ जे कुसै बी नोटिस दा उसलै तगर प्रचार नेई कीता जाना चाइदा जिस्सलै तगर स्पीकर आसेआ इसी मंजूर नेई कीता जंदा, जियां के नियम 368 च दस्सेआ गेदा ऐ। उनें आखेआ जे इस्सै चाल्ली सवालें दे नोटिस उस दिन तगर सार्वजनिक नेई कीते जाने चाइदे जिसलै तगर जे सदन च उंदा जवाब नेई दित्ता जंदा। स्पीकर होरें इनें परम्पराएं दी हाल च कीती गेदी उल्लंघनाएं पर चिंता जाहिर कीती ते चेतावनी दित्ती जे जेकर तयशुदा दिशा-निर्देशें दी अनदिक्खी जारी रेही तां संभावित सख्त कार्रवाई कीती जाग।

<><><><><><>

Herath

कश्मीरी पंडित समुदाय आसेआ महाशिवरात्रि दे मौके पर मनाए जाने आह्ला ध्यार हेरथ अज्ज पूरे-जोश ते जज्वे कन्नै मनाया जा'रदा ऐ। भक्ति ते प्रार्थना दा एहू समां भगवान शिव गी समर्पित ऐ। एहू शुभ मौका जम्मू-कश्मीर दे लोकें आस्तै डूंगा सांस्कृतिक ते आध्यात्मिक महत्व रखदा ऐ। इस मौके पर मुख्मन्त्री उमर अब्दुल्ला, उपमुख्मन्त्री सुरिंद्र चौधरी, सेहत मंत्री सकीना इत्तू ते राई-बाई आहले मैहकमे दे मंत्री जावेद अहमद डार होरें लोकें गी हार्दिक शुभकामनां दिंदे होई जोर देइयै आखेआ जे एहू ध्यार समुदायें च शांति, सद्भाव ते एकता गी बढ़ावा देने च महत्वपूर्ण भूमिका अदा करदा ऐ।

<><><><><><>

Shiv Khori Festival

त्र'ऊं दिनें दा आध्यात्मिक ते सांस्कृतिक समारोह शिवखोड़ी महोत्सव अज्ज मशहूर शिवखोड़ी दी पवित्र गुफा दे आधार शिविर रनसू च शुरू होआ। सांसद जुगल किशोर शर्मा हुंदे आसेआ इस महोत्सव दा उद्घाटन कीता गेआ। इस कार्यक्रम च तीर्थ यात्रिणें, धार्मिक नेताएं, अधिकारियें ते मन्ने-परमन्ने दे मुकामी लोकें उत्साह कन्नै हिस्सा लैता। भगवान शिवजी गी समर्पित शिवरात्रि दा ध्यार ज्हारें दी गिनतरी च श्रद्धालुएं गी इस पवित्र गुफा दे दर्शन लेई आकर्षित करदा ऐ जेड़ी अपनी कुदरती रूप कन्नै बने दे शिवलिंग आस्तै जानी जंदी ऐ। उद्घाटन समारोह च धार्मिक अनुष्ठान, सांस्कृतिक प्रदर्शन ते पारम्परिक नाच शामिल हे जेजे इस इलाके दी समृद्ध विरासत ते भक्ति गी उजागर करा करदे हे। सांसद जुगल किशोर शर्मा होरें आकाशवाणी कन्नै गल्लबात करदे होई आखेआ।

<><><><><><>

Mahashivratri-Aap Shambhu

इस बिच्च रूपनगर जम्मू दे आप शम्भू मंदिर च महाशिवरात्रि दियां तैयारियां पूरियां होई गेइयां ना। मंदर गी शैल चाल्ली कन्नै सजाया गेआ ऐ। श्रद्धालुएं दी सुरक्षा ते सुचारू दर्शनं गी यकीनी बनाने आस्तै विशेष इंतजाम कीते गेदे ना। पीने दे पानी दी सुचारू बवस्था ते सेहत दिक्खभाल लेई बी इंतजामें गी यकीनी बनाया गेआ ऐ। आप शम्भू मंदर रूप नगर दे पुजारी द्वारका नाथ जोगी होरें आकाशवाणी समाचारक कन्नै गल्लबात करदे होई आखेआ।

<><><><><><>

Watershed-Rajouri

जल संरक्षण गी बढ़ावा देने दी दिशा च इक महत्वपूर्ण गें पुट्टदे होई प्रधानमंत्री कृषि सिंचाई योजना 2.0 दे तैहत वाटरशेड जात्तरा दा जिला राजौरी पुज्जने पर गर्मजोशी कन्नै सौआगत कीता गेआ। इस मील दे पत्थर गी चिन्हित करने आसतै एकीकृत वाटरशेड प्रबंधन कार्जक्रम यानि (IWMP) मैहकमे नै डूंगी च बी.डी.ओ दफ्तर च इक विशेष कार्जक्रम दी मेजबानी कीती। कार्जक्रम च जल प्रबंधन, मिट्टी दे संरक्षण ते बरखा दे पानी दे संचय पर इस मुहिम दी कोशिशें गी उजागर कीता गेआ। किट्ट च राजौरी दे विधायक इफ्तखर अहमद, जिला विकास काउंसल राजौरी दे अध्यक्ष नसीम लियाकत हुंदे कन्नै-कन्नै स्थानीय अधिकारियें, पूर्व पीआरआई सदस्यें ते मुकामी बसनीकें उत्साह कन्नै हिस्सा लैता। इस मौके पर बोलदे होई जिला विकास परिषद दे अध्यक्ष नसीम लियाकत होरें आखेआ।

<><><><><><>

Ramban-Vatsalya

केंद्र सरकार दी 'मिशन वातसल्य' योजना दे तैहत इक महत्वपूर्ण पैहल च रामबन जिला 'फुलवारी' सुविधा दे राहें अनाथ ते जिनें बच्चें दी दिक्खभाल करने आहला कोई नेई ऐ उनेंगी संस्थागत दिक्खभाल ते सुरक्षा प्रदान करा 'रदा ऐ। समाज कल्याण मैहकमे आसेआ प्रबंधित एहू केंद्र 6 बरें कोला घट्ट उम्पी दे बच्चें दी भलाई यकीनी बनांदा ऐ। जिला समाज कल्याण अधिकारी राहुल गुप्ता होरें दस्सेआ जे ऑनलाइन पंजीकरण प्रक्रिया दे परेंत हुनै तगर 4 बच्चें गी गोद लैता गेआ ऐ। उनें होर जानकारी दिंदे होई आखेआ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां ना। इच्छुक आवेदक जेहदी उमर 24 थमां 50 बरें दे बश्कार ऐ ते ओहू कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड्चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड्चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते

लोडचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी पिन कोड 180001 उप्पर उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Weather

मौसम विभाग नै अज्ज संजा कोला लेइयै 28 फरवरी तोड़ी धोड़ी, पच्छमी ब्हाएं च बनी दी खोदल आली स्थिति दे चलदे जम्मू कश्मीर च मतिएं थाहें दरमेयाने दर्जे दी बरखा ते बर्फबारी दी पेशगोई कीती ऐ। आकाशवाणी दे जम्मू संवाददाता मूजब मैहकमे आस्सेआ जारी चेतावनी च आखेआ गेदा ऐ जे उत्तरी ते मध्य कश्मीर च हल्की बरखा ते बर्फबारी अज्ज संजा शुरू होग ते 27 ते 28 तरीक तगर एहदे च तेजी रौहग। उप्पलियें पहाड़ियें जिंदे च गुलमर्ग, सोनामर्ग, बारामुला, बांडीपोरा, कुपवाड़ा, शोपियां, काजीकुंड, रामबन, डोडा, किशतवाड़, दक्खनी कश्मीर दे किश हिस्सें ते चिनाहू घाटी दे पहाड़ें पर बर्फबारी दे आसार न।

<><><><><><>